



ЎЗБЕКISTON RESPUBLIKASI PREZIDENTINING QARORI

2020 уй « 12 » ноябрь

№ ПҚ–4891

Тиббий профилактика ишлари самарадорлигини янада ошириш орқали жамоат саломатлигини таъминлашга оид қўшимча чора-тадбирлар тўғрисида

Аҳолида соғлом турмуш тарзини шакллантириш борасидаги ишларни янада жадаллаштириш, касалликларни эрта аниқлаш ва даволашнинг илғор тажрибасини жорий этиш мақсадида, шунингдек, Ўзбекистон Республикаси Президентининг 2020 йил 25 июлдаги “Коронавирус пандемиясини юмшатиш, аҳолининг санитария-эпидемиологик осойишталиги ва саломатлигини сақлаш тизимини тубдан такомиллаштириш чора-тадбирлари тўғрисида”ги ПФ–6035-сон Фармониغا мувофиқ:

1. Қуйидагилар тиббий профилактиканинг асосий йўналишлари этиб белгилансин:

дастлабки профилактика – қулай атроф-муҳитни яратиш (экологик аҳвол, инсонларнинг меҳнат, яшаш ва дам олиш шароитларини яхшилаш), аҳоли саломатлигига салбий таъсир этувчи маҳсулотлар ишлаб чиқарилишининг олдини олиш, озиқ-овқат маҳсулотларини, жумладан унни фортификациялаш, тузни йодлаштириш;

бирламчи профилактика – эмлаш, мақсадли скрининг ва тиббий кўрикларни амалга ошириш, оқилona иш ва дам олиш, спорт билан мунтазам шуғулланиш, бадантарбия машғулотларини кундалик турмуш тарзига айлантириш, шахсий гигиена қоидаларига риоя қилиш, соғлом ва тўғри овқатланиш, ортиқча вазн ва семизликни бартараф этиш, зарарли одатларга қарши курашиш, инсон саломатлиги, таълим-тарбияни яхшилаш бўйича чоралар кўриш, аҳолининг тиббий маданиятини ошириш;

иккиламчи профилактика – маълум шароитларда иммун ҳолатининг камайиши, ўта зўриқиш, адаптив етишмовчиликлар сабаб юзага келадиган касалликларнинг келиб чиқиши, авж олиши ёки қайталанишига олиб келиши мумкин бўлган аниқ хавф омилларини бартараф этиш бўйича чора-тадбирлар мажмуини ишлаб чиқиш ва уни амалиётга татбиқ қилиш, шунингдек, тиббий-санитария ёрдами муассасалари фаолиятини мувофиқлаштириш.

2. Белгилаб қўйилсинки:

2021 йил 1 январдан бошлаб 40 ва ундан юқори ёшдаги фуқароларда юрак қон-томир хавфини (**гипертония, инфаркт, инсульт, қандли диабет** ва бошқа хавф омилларини) аниқлаш бўйича **тизимли равишда** скрининг текширувлари ўтказилади;

Аҳолининг соғлом турмуш тарзини қўллаб-қувватлаш ва жисмоний фаоллигини ошириш маркази (кейинги ўринларда – Марказ)нинг туман (шаҳар) бўлимлари кўп тармоқли марказий поликлиникалари биноларида жойлашади ҳамда уларнинг ходимлари (кейинги ўринларда – жамоат саломатлиги тизими мутахассислари) томонидан амалга оширилаётган тарғибот-ташвиқот ишлари билан бир қаторда фуқароларга **тиббий-профилактик хизматлар (маслаҳатлар, кўриклар ва бошқалар) кўрсатиб борилади;**

маҳаллаларда, мактабгача таълим ташкилотлари, умумтаълим мактаблари ва олий ҳамда ўрта махсус таълим муассасаларида соғлом турмуш тарзини шакллантиришга кўмаклашувчи **волонтёрлар** (шу жумладан нафақадаги шифокорлар, ўқитувчилар, зиёлилар ва бошқалар) **жамиятлари ташкил қилинади.**

3. Қуйидагилар жамоат саломатлиги тизими мутахассисларининг асосий вазифалари этиб белгилансин:

аҳоли ўртасида шахсий ва жамоат гигиенаси, соғлом турмуш тарзини шакллантиришда иштирок этиш, аҳолини савол-жавоб ва кўриклардан ўтказиш орқали уларда юқумли бўлмаган касалликлар хавф омилларини аниқлаш ва индивидуал маслаҳат бериш;

соғлом овқатланиш тамойиллари, жисмоний фаоллик асослари, шахсий гигиенанинг аҳамияти, зарарли одатларга берилмаслик бўйича тарғибот тадбирларини ташкил этиш ва амалга ошириш;

юқумли бўлмаган касалликларнинг олдини олиш борасида профилактик тадбирларни ташкил этиш учун ҳудудда фаолият кўрсатаётган корхона, муассаса ва ташкилотлар рўйхатини шакллантириш ва амалга ошириш;

юқумли касалликлар рўйхатга олинган ҳудудларда улар бўйича соғломлаштириш тадбирини ишлаб чиқиш, ҳудудий тиббиёт ходимлари билан тадбирларни ташкил этиш ва уларнинг бажарилишини назорат қилиб боришда иштирок этиш.

4. Соғлиқни сақлаш вазирлиги Марказни жалб қилган ҳолда маҳаллалар ва аҳоли хонадонларида, шу жумладан узоқ ва олис ҳудудларда аҳоли орасида соғлом турмушни шакллантириш, бадантарбия машғулотларини кундалик турмуш тарзига айлантириш, шахсий гигиена қоидаларига риоя қилиш, соғлом ва тўғри овқатланиш, ортиқча вазн ва семизликни бартараф этиш, зарарли одатларга қарши курашиш, фуқароларнинг ўз соғлиғига бўлган муносабатини тубдан ўзгартириш бўйича тизимли **равишда тарғибот-ташвиқот ишларини олиб борсин.**

Молия вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари мазкур бандда кўрсатилган чора-тадбирларни сифатли ва тўлиқ амалга ошириш учун:

республика бюджети ва маҳаллий бюджет маблағлари ҳисобидан Марказга 2021 йилда **2 миллиард** сўм ажратсин;

2022 йил ва келгуси йилларда республика бюджети ва маҳаллий бюджет параметрларида 2021 йилда ажратилаётган маблағлардан **кам бўлмаган миқдорда** маблағлар ажратилишини назарда тутсин.

Марказ (Б.Т.Одилова) бир ой муддатда мазкур бандга асосан ажратилаётган маблағлардан самарали фойдаланиш ҳамда аниқ чора-тадбирларни амалга ошириш бўйича **“Йўл харитаси”**ни ишлаб чиқсин ва тасдиқлаш учун Вазирлар Маҳкамасига киритсин.

Вазирлар Маҳкамаси Соғлиқни сақлаш вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, Миллий телерадиокомпания, нодавлат телерадиоканаллар ҳамда бошқа манфаатдор ташкилотлар билан биргаликда **уч ҳафта муддатда** соғлом турмуш тарзини олиб бориш масалаларига бағишланган марказий, ҳудудий ва нодавлат телеканалларда **“Саломатлик соати”** ва бошқа **махсус телекўрсатувлар** ташкил қилинишини таъминласин.

5. Вазирлар Маҳкамаси ҳузурида **Касалликлар профилактикаси ва жамоат саломатлиги масалалари бўйича Мувофиқлаштирувчи комиссия** (кейинги ўринларда – Мувофиқлаштирувчи комиссия) ташкил қилинсин ва унинг таркиби 1-иловага мувофиқ тасдиқлансин.

Қўйидагилар Мувофиқлаштирувчи комиссиянинг асосий вазифалари этиб белгилансин:

жамоат саломатлигини муҳофаза қилиш, аҳолининг санитария-эпидемиологик осойишталиги ва касалликлар профилактикаси соҳасида давлат органлари ва бошқа ташкилотлар фаолиятини уларнинг яқиндан ҳамкорлиги, самарадорлиги ва иш уйғунлигини таъминлаш мақсадида мувофиқлаштириш;

мазкур қарорда назарда тутилган барча чора-тадбирларнинг тўлиқ, сифатли ва ўз вақтида ижросини ташкил этиш;

касалликлар профилактикаси бўйича дастур ва чора-тадбирларнинг ҳар бир вилоят, туман (шаҳар) доирасида амалга оширилишини ҳамда масъуллар томонидан уларнинг сўзсиз бажарилишини таъминлаш;

касалликлар юзага келишининг олдини олишга ва уларни камайтиришга, уларнинг юқиш йўллари ва омилларига таъсир кўрсатишга ва техноген тусдаги фавқулодда вазиятлар билан боғлиқ бўлган асоратлар оқибатларини тугатишга қаратилган профилактик тадбирлар ўтказилишини ташкил этиш;

жамоат саломатлигини муҳофаза қилиш бўйича белгиланган вазифаларни амалга оширишга тўсқинлик қилувчи тизимли камчиликларнинг келиб чиқиш сабаблари ва шарт-шароитларини аниқлаш, таҳлил қилиш ва бартараф этилишини ташкил этиш;

барча ижтимоий гуруҳларни қамраб олган ҳолда фуқароларнинг соғлом турмуш тарзини, шу жумладан соғлом овқатланиш, жисмоний фаоллик, санитария-гигиена қоидаларига риоя қилиш кўникмаларини шакллантириш ва ривожлантиришга қаратилган чора-тадбирлар ишлаб чиқилишини таъминлаш;

аҳоли орасида соғлом турмуш тарзининг асослари, жумладан соғлом овқатланиш ва шахсий гигиена қоидаларига риоя қилиш, жисмоний фаолликни қўллаб-қувватлаш, зарарли одатларга қарши курашиш бўйича оммавий ахборот воситалари орқали кенг тарғибот ишлари ташкил этилишини таъминлаш;

санитария-гигиена, эпидемияга қарши, замонавий ва яқка тартибдаги чора-тадбирлар асосида соғлиқни сақлаш ва мустаҳкамлашнинг ижтимоий-профилактик йўналишларини ривожлантириш бўйича чоралар кўриш;

мулкчилик шаклидан қатъи назар барча корхона, муассаса ва ташкилотлар фаолиятини бирлаштирувчи, аҳоли саломатлигини муҳофаза қилиш, тарғиб этиш ва рағбатлантиришни назарда тутувчи яхлит тизим яратилишини таъминлаш;

аҳоли саломатлиги ҳолатини мониторинг қилишнинг ягона интерактив тизимини яратиш ва бу борада замонавий ахборот ҳамда инновацион технологияларни жорий этилишини ташкил этиш;

халқаро стандартлар асосида доимий популяция текширувлари ва касалликларни келтириб чиқарувчи хавф омиллари бўйича тадқиқот ҳамда сўровлар ўтказилишини ташкил қилиш.

6. Вазирлар Маҳкамаси ҳузуридаги Касалликлар профилактикаси ва жамоат саломатлиги масалалари бўйича Мувофиқлаштирувчи комиссия ишини ташкил этиш, соҳа бўйича вазирлик ва идораларнинг республика – вилоят – туман даражасидаги вазифалари тақсимооти 2-иловага мувофиқ тасдиқлансин.

Белгилаб қўйилсинки:

Соғлиқни сақлаш вазирлиги Мувофиқлаштирувчи комиссиянинг **ишчи органи ҳисобланади;**

Мувофиқлаштирувчи комиссиянинг ўз вазифалари доирасида қабул қилган қарорлари давлат ва хўжалик бошқаруви органлари, маҳаллий ижро ҳокимияти органлари ва бошқа ташкилотлар учун **бажарилиши мажбурийдир;**

Мувофиқлаштирувчи комиссия ўз вазифаларини амалга оширишда тегишли вазирлик ва идоралар унга ваколатлари доирасида ҳар томонлама кўмак берадилар ҳамда сўралган зарур **маълумотларни тақдим этиб борадилар;**

Соғлиқни сақлаш вазирлиги касалликлар профилактикаси ва жамоат саломатлигини муҳофаза қилиш бўйича қабул қилинган дастурлар ва чора-тадбирларнинг **ижроси юзасидан ҳар чорақда** Вазирлар Маҳкамасига тегишли таклифлар киритиб боради.

7. Соғлиқни сақлаш вазирлиги икки ой муддатда республиканинг олис ва чекка ҳудудларида оилавий шифокор, тор соҳа мутахассислари ва патронаж ҳамшираларига бўлган эҳтиёжни қоплаш ҳамда аҳолига малакали тиббий ёрдам кўрсатишни янада яхшилаш мақсадида ҳар бир тиббиёт муассасасида зарур штат бирликларини жорий қилиш асослилиги юзасидан Вазирлар Маҳкамасига ахборот-таҳлил маълумотнома киритсин.

8. Ўзбекистон Республикаси Президентининг айрим ҳужжатларига 3-иловага мувофиқ ўзгартиришлар ва қўшимча киритилсин.

9. Соғлиқни сақлаш вазирлиги икки ой муддатда қонун ҳужжатларига мазкур қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

10. Мазкур қарорнинг ижросини самарали ташкил этишга масъул ва шахсий жавобгар этиб соғлиқни сақлаш вазири А.М. Хаджибаев, соғлиқни сақлаш вазирининг биринчи ўринбосари А.Ш. Иноятов, Санитария-эпидемиологик осойишталик ва жамоат саломатлиги хизмати бошлиғи Б.К. Юсупалиев, Қорақалпоғистон Республикаси Вазирлар Кенгаши раиси, вилоятлар ва Тошкент шаҳар ҳокимлари белгилансин.

Мазкур қарор ижросини **ҳар чоракда** муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикаси Бош вазири А.Н. Арипов ва Ўзбекистон Республикаси Президенти маслаҳатчисининг биринчи ўринбосари Л.Н. Тўйчиев зиммасига юклансин.

Ўзбекистон Республикаси
Президенти



Ш.Мирзиёев

Тошкент шаҳри

**Вазирлар Маҳкамаси ҳузуридаги Касалликлар профилактикаси
ва жамоат саломатлиги масалалари бўйича
Мувофиқлаштирувчи комиссия
таркиби**

1. Б.А. Мусаев – Бош вазир ўринбосари, *Комиссия раиси*
2. Л.Н. Туйчиев – Ўзбекистон Республикаси Президенти маслаҳатчисининг биринчи ўринбосари
3. А.А. Абдухакимов – Бош вазир ўринбосари
4. А.М. Хаджибаев – соғлиқни сақлаш вазири
5. А.В. Шин – мактабгача таълим вазири
6. Ш.Х. Шерматов – халқ таълими вазири
7. И.У. Маджидов – олий ва ўрта махсус таълим вазири
8. Д.Ҳ. Набиев – жисмоний тарбия ва спорт вазири
9. И.Ю. Абдурахмонов – инновацион ривожланиш вазири
10. Р.Т. Маматов – маҳалла ва оилани қўллаб-қувватлаш вазири
11. Р.Қ. Давлетов – адлия вазири
12. П.Р. Бобожонов – ички ишлар вазири
13. Лавозими бўйича – Экология ва атроф-муҳитни муҳофаза қилиш давлат қўмитаси раиси
14. Б.Т. Норқобилов – Ветеринария ва чорвачиликни ривожлантириш давлат қўмитаси раиси
15. А.Ш. Иноятов – соғлиқни сақлаш вазирининг биринчи ўринбосари
16. А.Х. Кўлдошев – фавқулодда вазиятлар вазирининг биринчи ўринбосари
17. А.Д. Хаджаев – Миллий телерадиокомпания раиси
18. Лавозими бўйича – Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари

19. Б.К.Юсупалиев – Санитария-эпидемиологик осойишталик ва жамоат саломатлиги хизмати бошлиғи – Бош давлат санитария врачлари, *Комиссия котиби*

Изоҳ: Комиссия аъзолари бошқа ишга ўтган тақдирда унинг таркибига ушбу лавозимга янги тайинланган ёки тегишли функцияларни бажариш юкланган шахслар киритилади.

**Вазирлар Маҳкамаси ҳузуридаги Касалликлар профилактикаси ва жамоат саломатлиги масалалари бўйича
Мувофиқлаштирувчи комиссия ишини ташкил этиш, соҳа бўйича вазирлик ва идораларнинг
республика – вилоят – туман даражасидаги вазифалари
тақсимоти**

Т/р	Ташкилот	Бўғин	Вазифалар
1.	Соғлиқни сақлаш вазирлиги	республика	<p>Жамоат саломатлигини муҳофаза қилиш, мамлакатда санитария-эпидемиологик осойишталикни таъминлаш, аҳоли орасида соғлом турмуш тарзини шакллантириш соҳаларида ягона давлат сиёсатини олиб бориш;</p> <p>аҳоли саломатлигини муҳофаза қилиш, касалликлар профилактикаси, соғлом турмуш тарзини шакллантириш, зарарли одатларга қарши курашиш, аҳолининг тиббий маданиятини ошириш ва оммавий спорт ҳаракатини тиббиёт профилактикаси билан интеграциялаштириш бўйича ҳамкор ташкилотларга услубий ёрдам кўрсатиш, қўшма қарорларни қабул қилиш ва уларнинг жойлардаги ижросини мувофиқлаштириш;</p> <p>аҳоли саломатлигини муҳофаза қилиш ва касалликлар профилактикаси бўйича республикада амалга оширилган ишлар ҳолатини ўрганиш ва таҳлил қилиш ҳамда Мувофиқлаштирувчи комиссиясига ҳар чоракда таклифлар киритиш.</p>
		вилоят	<p>Ҳудудларда аҳоли саломатлигини муҳофаза қилиш ва касалликлар профилактикаси бўйича қабул қилинган ҳужжатларнинг жойлардаги ижросини таъминлаш;</p> <p>касалликлар профилактикаси, уларни келтириб чиқарувчи омилларни эрта аниқлаш бўйича скрининг текширувларини ташкил этиш, натижалар таҳлили ва улар асосида манзилли чора-тадбирлар ишлаб чиқиш;</p>

			<p>касалликлар профилактикаси ва соғлом турмуш тарзини шакллантириш бўйича оммавий тадбирларни ўтказиш ҳамда оммавий ахборот воситалари ва ижтимоий тармоқлар орқали ушбу тадбирлар тарғиботини ташкил этиш.</p>
		туман (шаҳар)	<p>Аҳоли орасида касалликлар профилактикаси, уларни келтириб чиқарувчи омилларни эрта аниқлаш бўйича мақсадли кўриклар ва скрининг текширувларини ўтказиш, натижалари бўйича маълумотларни умумлаштириш ва улар асосида туман (шаҳар)нинг саломатлик профилларини яратиш;</p> <p>жамоат саломатлигини муҳофаза қилиш ва касалликларни профилактика қилиш бўйича тадбирларни ташкил этиш ва ўтказишда бирламчи тиббий-санитария ёрдами муассасаларига амалий-ўслубий ёрдам кўрсатиш;</p> <p>касалликлар профилактикаси ва соғлом турмуш тарзини шакллантириш бўйича маҳалла, таълим муассасалари ва ташкилотларда индивидуал ҳамда гуруҳли тарғибот тадбирларини ўтказиш.</p>
2.	Мактабгача таълим вазирлиги	республика	<p>Мактабгача таълим ташкилотлари ва уларнинг тарбияланувчилари ҳамда ошпазлари учун гигиеник меъёрларга амал қилиш бўйича йўриқнома ва ўслубиятлар ишлаб чиқиш;</p> <p>тарбияланувчилар орасида соғлом турмуш тарзи, шу жумладан соғлом овқатланиш, жисмоний фаоллик, санитария-гигиена қоидаларига риоя қилиш кўникмаларини шакллантириш ва ривожлантиришга қаратилган чора-тадбирларни вертикал тизимда амалга оширилишини назорат қилиш.</p>
		вилоят	<p>Мактабгача таълим ташкилотларида талаб этиладиган шароитларни гигиеник меъёрларга мос равишда ташкил этишни мувофиқлаштириш;</p> <p>тарбияланувчилар орасида соғлом турмуш тарзи, шу жумладан соғлом овқатланиш, жисмоний фаоллик, санитария-гигиена қоидаларига риоя қилиш кўникмаларини шакллантириш ва ривожлантиришга қаратилган чора-тадбирлар амалга оширилишини таъминлаш.</p>
		туман (шаҳар)	<p>Мактабгача таълим ташкилотларида:</p> <p>санитария-эпидемиологик талабларга риоя қилиниши;</p>

			<p>тарбияланувчилар орасида соғлом турмуш тарзи, шу жумладан соғлом овқатланиш, жисмоний фаоллик, санитария-гигиена қоидаларига риоя қилиш кўникмаларини шакллантириш ва ривожлантиришга қаратилган чора-тадбирлар амалга оширилишини таъминлаш;</p> <p>тизимли равишда “Саломатлик машғулоти” ўтказилишини таъминлаш.</p>
3.	Халқ таълими вазирлиги	республика	<p>Умумий ўрта таълим муассасаларида санитария қоидалари ва гигиеник нормативлар билан белгиланган талаблардан келиб чиқиб, вертикал тизим вазифаларини белгилаш;</p> <p>ўқувчилар орасида соғлом турмуш тарзи, шу жумладан соғлом овқатланиш, жисмоний фаоллик, санитария-гигиена қоидаларига риоя қилиш кўникмаларини шакллантириш ва ривожлантиришга қаратилган чора-тадбирлар амалга оширилишини назорат қилиш;</p> <p>ўқув хоналарининг ёритилганлик даражаси, ҳаво алмашинуви ва ўқувчилар учун бошқа зарур оптимал шароитлар яратилганлигини назорат қилиш.</p>
		вилоят	<p>Умумий ўрта таълим муассасаларида санитария қоидалари ва гигиеник нормативлар билан белгиланган талаблардан келиб чиқиб, халқ таълими бўлимларининг аниқ вазифаларини белгилаш;</p> <p>ўқувчилар орасида соғлом турмуш тарзи, шу жумладан соғлом овқатланиш, жисмоний фаоллик, санитария-гигиена қоидаларига риоя қилиш кўникмаларини шакллантириш ва ривожлантиришга қаратилган чора-тадбирлар амалга оширилишини таъминлаш;</p> <p>умумий ўрта таълим муассасаларида ўқув қуроллари, дарсликлар ва мактаб жиҳозларининг амалдаги гигиеник нормативларга мувофиқлигини таъминлаш;</p> <p>ўқув хоналарининг ёритилганлик даражаси, ҳаво алмашинуви ва ўқувчилар учун бошқа зарур оптимал шароитлар яратилганлигини таъминлаш.</p>
		туман (шаҳар)	<p>ўқувчилар орасида соғлом турмуш тарзи, шу жумладан соғлом овқатланиш, жисмоний фаоллик, санитария-гигиена қоидаларига риоя қилиш кўникмаларини шакллантириш ва ривожлантиришга қаратилган чора-тадбирларни амалга ошириш;</p>

			<p>умумий ўрта таълим муассасаларида ўқув қуроллари, дарсликлар ва мактаб жиҳозларининг амалдаги гигиеник нормативларга мувофиқлигини назорат қилиш;</p> <p>мактаб ошхоналарида ошпазлар томонидан санитария-гигиеник нормалар талабларига риоя этилиши бўйича тизимли назорат ўрнатиш.</p>
4.	Олий ва ўрта махсус таълим вазирлиги	республика	<p>Таълим муассасаларида санитария қоидалари ва гигиеник нормативлар билан белгиланган талаблардан келиб чиқиб, вертикал тизим вазифаларини белгилаш;</p> <p>талабалар орасида соғлом турмуш тарзи, шу жумладан соғлом овқатланиш, жисмоний фаоллик, санитария-гигиена қоидаларига риоя қилиш кўникмаларини шакллантириш ва ривожлантиришга қаратилган чора-тадбирлар амалга оширилишини назорат қилиш.</p>
		вилоят	<p>Олий таълим муассасаларида гигиеник нормативлар талаблари ҳамда санитария қоида ва меъёрларига амал қилинишини таъминлаш ҳамда касалликлар профилактикаси бўйича амалга ошириладиган профилактик ҳамда соғломлаштирувчи тадбирларни амалга ошириш;</p> <p>талабалар орасида соғлом турмуш тарзи, шу жумладан соғлом овқатланиш, жисмоний фаоллик, санитария-гигиена қоидаларига риоя қилиш кўникмаларини шакллантириш ва ривожлантиришга қаратилган чора-тадбирлар амалга оширилишини таъминлаш;</p> <p>талабалар ўртасида юқумли касалликлар профилактикаси бўйича тарғибот тадбирларини (давра суҳбатлари, савол-жавоблар, синовлар ва бошқалар) ўтказиш.</p>
5.	Жисмоний тарбия ва спорт вазирлиги	республика	<p>Республикада аҳоли орасида жисмоний фаоллик ва оммавий спортни ривожлантириш бўйича ягона давлат сиёсатини юритиш;</p> <p>давлат муассасалари ва ташкилотларида жисмоний фаолликни амалга ошириш учун шароитлар (махсус спорт майдончалари ёки хоналари, фаоллаштирувчи танаффуслар) яратилишини тизимли мониторинг қилиш механизмларини жорий қилиш;</p> <p>бирламчи тиббий-санитария ёрдами муассасалари учун тиббий ходимлар кинезиологларни тайёрлаш ва кинезиология бўйича ҳамшираларни қайта тайёрлаш учун ўқув дастурларини ишлаб чиқишда иштирок этиш.</p>

		вилоят	Туман (шаҳар)ларда жисмоний фаолликни қўллаб-қувватлаш ва оммавий спортни кенг тарғиб қилиш учун етарли шарт-шароитлар яратиш; маҳалла, муассаса ва корхоналарда жисмоний фаолликни қўллаб-қувватловчи тадбирларни амалга ошириш, оммавий жисмоний фаоллик тадбирларини ташкиллаштириш.
		туман (шаҳар)	Маҳалла, муассаса ва корхоналарда жисмоний фаолликни қўллаб-қувватловчи тадбирларни амалга ошириш, оммавий жисмоний фаоллик тадбирларини ташкиллаштириш.
6.	Маҳалла ва оилани қўллаб-қувватлаш вазирлиги	республика	Аҳоли саломатлигини муҳофаза қилиш, санитария-эпидемиологик осойишталикни таъминлаш, соғлом турмуш тарзини шакллантириш соҳаларида Соғлиқни сақлаш вазирлиги ва бошқа мутасадди ташкилотлар билан қўшма қарорларни тузиш ва уларнинг жойлардаги ижросини таъминлаш; туман (шаҳар)лар ва вилоятларда бу борада амалга оширилаётган ишлар самарадорлигини ошириш мақсадида амалий-услубий ёрдам кўрсатиш, мавжуд муаммоларни аниқлаш ва уларни бартараф этиш бўйича аниқ чора-тадбирларни белгилаш учун ҳар чорақда Олий Мажлис Сенатининг ялпи мажлисида вазирлик фаолияти юзасидан ҳамда соҳадаги тизимли муаммолар ва уларнинг ечими тўғрисида ахборот бериш.
		вилоят	Туман (шаҳар)ларда касалликлар профилактикаси, соғлом турмуш тарзини шакллантириш, зарарли одатларга қарши курашиш бўйича қабул қилинган норматив-ҳуқуқий ҳужжатларнинг жойлардаги ижроси бўйича жамоат назоратини ўрнатиш; туман (шаҳар)лар, шунингдек, маҳаллаларда касалликлар профилактикаси, соғлом турмуш тарзини шакллантириш борасида белгиланган ва амалга оширилиши лозим бўлган чора-тадбирлар ижросини таъминлашга тўсқинлик қилаётган омилларни аниқлаш, уларни бартараф этиш бўйича вилоят-туман (шаҳар)ларнинг масъул идора ва ташкилотларига, сектор раҳбарларига тақдимномалар киритиш, шунингдек, бу борадаги муаммоларни бартараф этишда масъулиятсизликка йўл қўяётган идора ва ташкилотлар ҳамда уларнинг раҳбарлари фаолияти юзасидан ҳар чорақда халқ депутатлари вилоят Кенгашларига маълумот киритиш ва ахборот бериш;

		<p>“Фуқароларнинг ўзини ўзи бошқариш органлари тўғрисида”ги Қонунга мувофиқ аҳоли саломатлигини муҳофаза қилиш, санитария-эпидемиологик осойишталикни таъминлаш борасида маҳаллаларда мавжуд муаммоларни бартараф этиш тегишинча оилавий поликлиникалар, оилавий шифокор пунктлари раҳбарларининг ахборотларини эшитиш бўйича фуқаролар йиғинларига амалий ёрдам кўрсатиш, мавжуд муаммолар бўйича вилоят соғлиқни сақлаш ва халқ таълими бошқармаларига тақдимнома ҳамда Маҳалла ва оилани қўллаб-қувватлаш вазирлигига маълумот киритиш.</p>
	туман (шаҳар)	<p>Ҳар бир маҳаллада соғлом турмуш тарзини тарғиб қилувчи “Саломатлик мактаби” фаолиятини ташкил этиш ва мувофиқлаштириш, соғлиқни сақлаш, халқ таълими ва бошқа мутасадди идора ва ташкилотлар билан ҳамкорликда маҳаллаларда ва улар ҳудудидаги таълим муассасаларида соғлом овқатланиш, жисмоний фаолликни қўллаб-қувватлаш, гигиена талабларига риоя қилиш ва зарарли одатларга қарши курашиш бўйича тизимли тадбирларни ўтказиш;</p> <p>ҳар бир маҳаллада “Ғайратли кексалар” спорт гуруҳини тузиш ҳамда улар ёрдамида маҳаллалардаги катта ёшдаги аҳоли, жумладан кекса ва фахрийлар, нуроний отахон ва онахонлар орасида тунги пайтларда камида 1 соат пиёда юриш тадбирини кенг тарғиб қилиш ва оммалаштириш, бу орқали келажак авлодни соғлом турмуш тарзига тарғиб этиш чора-тадбирларини белгилаш;</p> <p>вояга етмаганларнинг маънавий, ахлоқий, ҳуқуқий, эстетик, жисмоний тарбиясида иштирок этиши, уларда соғлом турмуш тарзини шакллантиришга кўмаклашиш мақсадида мутасадди ташкилот ва идоралар билан ҳамкорликда ҳар бир маҳаллада: “Ҳар бир шахс – битта ниҳол”, “Маҳалламни обод ва кўркамлигига мен ҳам ҳисса қўшаман”, “Дадам, онам ва мен – спортчилар оиласимиз!”, “Футболимиз келажаклари”, “Чарм тўп усталари”, “Маҳалламиз паҳлавонлари”, “Маҳалламиз стол теннисчилари”, “Биз эпчил ва чаққонмиз” ва ҳоказо спорт-соғломлаштириш тадбирларини маҳалла ва туман (шаҳар) босқичларини ўтказиш;</p> <p>маҳаллаларда кекса ва ёшларнинг жисмоний фаоллигини таъминлаш, катта ёшдаги фуқароларнинг кечки сайрларини ташкиллаштириш чораларини кўриш;</p>

			<p>туман (шаҳар) ветеринария хизматлари ва фермерлар уюшмаси ходимлари билан ҳамкорликда аҳоли орасида ўй ҳайвонларини сақлаш қоидаларига қатъий риоя қилинишига йўналтирилган амалий-услубий ва бошқа тарғибот тадбирларини амалга ошириш, мутасадди ва манфаатдор ташкилотлар томонидан фуқароларга йирик ва майда шохли ҳайвонлар, парранда ва бошқа ўй ҳайвонларини сақлаш, парваришлаш ва озиклантириш тартибларини ўргатишга йўналтирилган тарқатма материаллар ишлаб чиқиши ва тарқатилиши устидан жамоатчилик назоратини ўрнатиш.</p>
7.	Экология ва атроф-муҳитни муҳофаза қилиш давлат қўмитаси	республика	<p>Экология ва атроф-муҳитни муҳофаза қилиш соҳасида давлат сиёсати шакллантирилиши ва амалга оширилишида иштирок этиш учун фуқаролар, жамоатчилик бирлашмалари ва бошқа фуқаролик жамияти институтларини жалб қилиш;</p> <p>экология ва атроф-муҳитни муҳофаза қилиш соҳасида тарбиявий, маънавий-маърифий ишларнинг ўтказилишида ва ўсиб келаётган авлодда табиат ва унинг ресурсларига эҳтиёткорона муносабатда бўлиш ғоясини шакллантиришда иштирок этиш;</p> <p>экология ва атроф-муҳитни муҳофаза қилиш, табиий ресурслардан оқилona фойдаланиш ва уларни қайта тиклаш соҳасидаги давлат бошқаруви бўйича тадбирларни амалга ошириш.</p>
		вилоят	<p>Атроф-муҳитнинг қулай экологик ҳолатини, экологик тизимлар, табиий комплекслар ва алоҳида объектлар муҳофаза қилинишини, экологик шароитнинг соғломлаштирилишини таъминлаш бўйича чора-тадбирларни тегишли ҳудудларда татбиқ этиш ва ижросини назоратга олиш;</p> <p>чиқиндилар билан боғлиқ ишларни амалга ошириш соҳасидаги қонунчиликка риоя этилиши юзасидан давлат назоратини, маҳаллий давлат ҳокимияти органлари ва фуқароларнинг ўзини ўзи бошқариш органлари билан мустаҳкам ҳамкорликда маиший чиқиндиларни йиғиш, ташиш, утилизация қилиш, қайта ишлаш ва кўмиш борасида таъсирчан тизимни амалга ошириш, атмосфера ҳавосини муҳофаза қилиш соҳасидаги қонунчиликка риоя этилиши юзасидан тегишли ҳудудда давлат экологик назоратини ўрнатиш;</p>

			<p>Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар, туман (шаҳар)лар ҳокимлари, прокуратура, ички ишлар ва давлат солиқ хизматининг ҳудудий органлари раҳбарлари бошчилик қиладиган комплекс ижтимоий-иқтисодий ривожлантириш бўйича секторлар билан ўзаро ҳамкорлик қилиш.</p>
		туман (шаҳар)	<p>Атроф-муҳит омилларининг инсон саломатлигига таъсирини ўрганиш натижалари орқали ишлаб чиқилган муҳофаза этиладиган табиий ҳудудларни бошқариш бўйича режалар ижросини таъминлаш;</p> <p>чиқиндиларни йиғиш, саралаш, сақлаш, ташиш, утилизация қилиш, қайта ишлаш, кўмиш ва реализация қилиш тизимини самарали ташкил этиш бўйича тадбирларнинг ишлаб чиқишини ташкиллаштириш;</p> <p>атроф-муҳит муҳофазаси, биологик хилма-хилликни сақлаб қолиш ва оқилона фойдаланишга доир масалалар муҳокамаси бўйича аҳолининг кенг қатламларида тарғибот тадбирларини олиб бориш.</p>
8.	Санитария-эпидемиологик осойишталик ва жамоат саломатлиги хизмати	республика	<p>Жамоат саломатлигини муҳофаза қилиш, жумладан санитар-эпидемиологик барқарорликни таъминлаш, касалликлар профилактикаси, соғлом турмуш тарзини шакллантириш бўйича норматив-ҳуқуқий ва бошқа ҳужжатлар (санитария қоидалари ва гигиена нормативлари, методика ва дастурлар) ишлаб чиқиш;</p> <p>Даволаш-профилактика муассасалари билан биргаликда умумэътироф этилган халқаро услублар асосида доимий популяция текширувлари, фундаментал ва илмий-амалий тадқиқотлар, мақсадли тиббий кўриклар ва скрининг-сўровномалар ўтказиш;</p> <p>аҳолининг касалланиш ҳолатларини ўрганиш, таҳлил қилиш, тиббий статистик ҳисоботларни юритиш, уларни камайтириш бўйича манзилли дастурлар ишлаб чиқиш, шунингдек, ҳудудлардаги тиббий ходимларга услубий ва амалий ёрдам кўрсатиш;</p> <p>озиқ-овқат ва истеъмол маҳсулотларига хавфсизлик кўрсаткичлари бўйича хулосалар бериш;</p>

		<p>тиббий таълим муассасалари билан биргаликда касалликлар профилактикаси ва аҳолининг соғлом турмуш тарзини шакллантириш масалалари юзасидан кадрлар тайёрлаш, қайта тайёрлаш, малакасини ошириш ва уларнинг узлуксиз касбий ривожланиши бўйича тадбирларни ташкиллаштириш ва уларда иштирок этиш;</p> <p>Давлат санитария-эпидемиология назоратини ривожлантиришнинг устувор йўналишларини белгилаш;</p> <p>назорат остидаги объектлар электрон базасини яратиш методологиясини ишлаб чиқиш, “хавфни таҳлил этиш” тизимини қўллаган ҳолда назоратни олиб бориш, “санитария-эпидемиологик осойишталик” белгисини бериш мезонларини ишлаб чиқиш;</p> <p>келиб чиқиши озиқ-овқат билан боғлиқ касалликлар устидан миллий мониторинг олиб бориш тартибни белгилаш;</p> <p>ҳудудий бошқармалар фаолиятини бошқариш, уларга услубий-амалий ёрдам кўрсатиш.</p>
	вилоят	<p>Аҳоли саломатлигини муҳофаза қилиш, касалликлар профилактикаси, соғлом турмуш тарзини шакллантириш, зарарли одатларга қарши курашиш, аҳолининг тиббий маданиятини ошириш ва оммавий спорт ҳаракатини тиббиёт профилактикаси билан интеграциялаштиришда ҳамкор ташкилотларга услубий ёрдам кўрсатиш, қўшма қарорлар ижросини таъминлаш ва уларнинг жойлардаги ижросини мувофиқлаштириш;</p> <p>аҳолининг саломатлик ҳолатини ўрганиш, юқумли ва юқумли бўлмаган касалликлар ҳамда нотўғри овқатланиш билан боғлиқ касалликларнинг олдини олиш бўйича туман (шаҳар)ларда амалга оширилган ишлар ҳолатини тизимли равишда ўрганиш, маълумотларни тўплаш ва ҳар ойда бир марта “ҳокимлик соати”да муҳокама қилиш;</p> <p>юқумли бўлмаган касалликлар профилактикаси ва хавф омилларини эрта аниқлаш бўйича скрининг текширувларини ташкил этиш ҳамда соғлом турмуш тарзини тарғиб қилиш ва аҳолининг тиббий маданиятини ошириш бўйича тарғибот тадбирларини ташкил қилиш;</p>

		<p>ўта хавfli, юқумли, паразитар касалликлар ва оммавий заҳарланишга қарши курашиш тадбирларини мувофиқлаштириш, шунингдек, юқумли касалликларни аниқлаш учун лаборатория таҳлилларини ўтказиш, аҳолини ионлантирувчи нур манбалари ва радиация хавфидан ҳимоялаш бўйича тадбирларни амалга ошириш, туман (шаҳар)лар ҳудудида санитария-гигиена ҳамда эпидемияга қарши тадбирлар ўтказилишини назорат қилиш, аҳолининг санитария-гигиена масалалари, карантин, ўта хавfli ва бошқа юқумли ҳамда паразитар касалликлар, заҳарланишларни келтириб чиқарувчи хавф омилларнинг олдини олиш бўйича хабардорлигини оширишга қаратилган тадбирларни ўтказиш;</p> <p>озиқ-овқат хавфсизлигини таъминлаш мақсадида, туманлараро санитария-гигиена лабораториялари орқали таҳлиллар ўтказиш ва озиқ-овқат ҳамда истеъмол маҳсулотларига хавфсизлик кўрсаткичлари бўйича хулосалар бериш;</p> <p>аҳолининг саломатлик кўрсаткичлари ва касалланиш даражаси бўйича статистик маълумотлар базасини шакллантириш, туман (шаҳар)лар кесимида таҳлил қилиш;</p> <p>назорат остидаги объектлар электрон базасини шакллантириш, “хавфни таҳлил этиш” тизимини қўллаган ҳолда объектларда назорат олиб бориш, “санитария-эпидемиологик осойишталик” белгисини бериш;</p> <p>объектларда аниқланган санитария-эпидемиологик осойишталик соҳасида қонун бузилишлари бўйича маъмурий жавобгарлик ва бошқа таъсир (фаолиятни тўхтатиш, тақиқлаш, чеклаш ва бошқа) чораларини қўллаш;</p> <p>келиб чиқиши озиқ-овқат билан боғлиқ касалликлар устидан мониторинг олиб бориш;</p> <p>объектларни фойдаланишга қабул қилишда санитария қоидалари, меъёрлари ва гигиеник нормативларга мувофиқлиги тўғрисида санитария-эпидемиологик хулоса бериш;</p> <p>туман (шаҳар) филиалларининг фаолиятини ташкил этиш ва назорат қилиш.</p>
	туман (шаҳар)	<p>Касалликлар ва уларни келтириб чиқарувчи хавф омилларини эрта босқичларда аниқлаш бўйича бирламчи тиббий-санитария ёрдами муассасаларида мақсадли тиббий кўриклар ва скрининг текширувларини ўтказиш;</p>

		<p>аҳолининг саломатлик ҳолатини ўрганиш, соғлом турмуш тарзини шакллантириш, юқумли бўлмаган ҳамда нотўғри овқатланиш билан боғлиқ касалликларнинг олдини олиш бўйича оилавий шифокор пунктлари, оилавий ва кўп тармоқли марказий поликлиникаларда амалга оширилган ишлар ҳолатини тизимли равишда ўрганиш, маълумотларни тўплаш ва ҳар ойда бир марта “ҳокимлик соати”да муҳокама қилиш;</p> <p>соғлом турмуш тарзини тарғиб қилиш ва аҳолининг тиббий маданиятини ошириш юзасидан тарғибот тадбирларини маҳаллалар, таълим муассасалари ва ташкилотларда ўтказиш;</p> <p>ўта хавfli, юқумли ва паразитар касалликларни лаборатория таҳлиллари орқали аниқлаш, касаллик ўчоқларида профилактик ҳамда эпидемияга қарши тадбирларни амалга ошириш, ҳудудда карантин, ўта хавfli, юқумли ҳамда паразитар касалликлар, заҳарланишлар, шунингдек, юқумли бўлмаган оммавий касалликларни лаборатория таҳлили асосида аниқлаш, касаллик ўчоқларини ликвидация қилиш ва профилактик тадбирларни белгилаш ҳамда аҳолининг санитария-гигиена масалалари, карантин, ўта хавfli, юқумли ва паразитар касалликлар, заҳарланиш ҳамда юқумли бўлмаган касалликларни келтириб чиқарувчи омиллар бўйича хабардорлигини ошириш;</p> <p>озиқ-овқат ва истеъмол маҳсулотларига хавфсизлик кўрсаткичлари бўйича ҳулосалар бериш;</p> <p>аҳолининг касалланиш ҳолатини ўрганиш, маълумотларни тўплаш, тиббий статистика ҳисоботини юритиш;</p> <p>назорат остидаги объектларда санитария қоидалари, меъёрлари ва гигиеник нормативларга риоя этилиши устидан текширувлар (лаборатория-инструментал усулларни қўллаган ҳолда) ўтказиш;</p> <p>текширув натижаларига кўра объектларнинг санитария қоидалари, меъёрлари ва гигиеник нормативларга мослигини баҳолаш ва уларни хавfliлик даражаси бўйича тоифаларга ажратиш;</p> <p>“санитария-эпидемиологик осойишталик” белгисини бериш жараёнида объектда санитария-эпидемиология далолатномасини расмийлаштириш;</p>
--	--	--

			<p>текшириш давомида аниқланган санитария-эпидемиологик осойишталик соҳасида қонун бузилишлари ҳолатлари бўйича маъмурий жавобгарлик ва бошқа таъсир чораларини қўллаш бўйича ҳужжатларни расмийлаштириш;</p> <p>текшириш натижаси юзасидан объектларнинг санитария ҳолатини яхшилаш бўйича чора-тадбирларни ишлаб чиқиш ва уларнинг ижросини назорат қилиш;</p> <p>озиқ-овқат хомашёси ва истеъмол маҳсулотларини ишлаб чиқариш, ташиш, сақлаш ва сотиш фаолияти билан шуғулланувчи объектлар фаолиятининг санитария-гигиена нормаларига мувофиқлиги юзасидан назорат қилиш.</p>
9.	Маҳаллий давлат ҳокимияти органлари	республика	Аҳоли саломатлигини муҳофаза қилиш ва касалликлар профилактикаси бўйича республикада амалга оширилган ишлар ҳолатини ўрганиш ва таҳлил қилиш ҳамда Мувофиқлаштирувчи комиссияга ҳар чоракда таклифлар киритиш.
		вилоят	Ҳудудда аҳоли саломатлигини муҳофаза қилиш ва касалликлар профилактикаси бўйича мутасадди ташкилотлар фаолиятини мувофиқлаштириш, амалга оширилган ишларни “ҳокимлик соатлари” да таҳлил қилиш.
		туман (шаҳар)	Аҳоли саломатлигини муҳофаза қилиш ва касалликлар профилактикаси бўйича мутасадди муассасалар фаолиятини мувофиқлаштириш, амалга оширилган ишларни “ҳокимлик соатлари” да таҳлил қилиш.

Ўзбекистон Республикаси Президентининг
2020 йил 12 ноябрдаги ПҚ–4891-сон қарорига
3-илова

**Ўзбекистон Республикаси Президентининг
айрим ҳужжатларига киритилаётган
ўзгартиришлар ва қўшимча**

1. Ўзбекистон Республикаси Президентининг 2020 йил 27 июлдаги “Ўзбекистон Республикаси Санитария-эпидемиологик осойишталик ва жамоат саломатлиги хизмати фаолиятини ташкил қилиш чора-тадбирлари тўғрисида”ги ПҚ–4790-сон қарорига:

а) 5-банд қуйидаги таҳрирда баён этилсин:

“5. Республика ихтисослаштирилган эпидемиология, микробиология, юқумли ва паразитар касалликлар илмий-амалий тиббиёт маркази ҳузурида юридик мақомига эга бўлмаган Биологик хавфсизлик маркази ҳамда Ген технологиялари маркази ташкил қилинсин”;

б) 1-иловадан “Аҳолининг соғлом турмуш тарзини қўллаб-қувватлаш ва жисмоний фаоллигини ошириш маркази” блоки чиқариб ташлансин.

2. Ўзбекистон Республикаси Президентининг 2020 йил 2 октябрдаги “Соғлиқни сақлаш соҳасида давлат бошқаруви тизимини янада такомиллаштириш чора-тадбирлари тўғрисида”ги ПҚ–4847-сон қарорига 1-илова “Аҳолининг соғлом турмуш тарзини қўллаб-қувватлаш ва жисмоний фаоллигини ошириш маркази” блоки билан тўлдирилсин.

